



KOMMUNIP PUTTASUUTAANUT MALITTARISASSIAQ

§1 Atuuffia

1.1 Una malittarisassiaq puttasunut illoqarfinni nunaqarfinnilu nunaannarmilu susassa qarfiusunut Qeqqata Kommunianit pigineqartunik ingerlanneqartunullu atuuppoq.

1.2 Malittarisassiaq taamaalilluni umiatsiaaraatilinnit nammineq puttasulinnut oqartussa qarfiillu allat puttasuutaannut atuutinngilaq.

§2 Puttasooq kimit ator neqarsinnaava

2.1 Malittarisassiamik matuminnga naapertuuttumik atuisoqarpat puttasooq kikkunnilluunniit ator neqarsinnaavoq.

2.2 Puttasunik atuineq akileraaruteqaranilu akiliutitaqanngilaq. Puttasunut aaliangersimasunut atuiner mi kommunalbestyrelse akigititanik aaliangersaasinnaavoq, angallatinillu imm. 2.3-mi eqqaaneqartunit anginerusunik tulaqqasoqarsinnaaneranik akuersisinnaalluni.

2.3 Puttasut angallatinut anginerusunut uuttugaanngimmata angallatit 21 fods-inik (6,4m sinnerlugu angissusilinnit) anginerusunit pituttorfittut ator neqaaqqusaanngillat.

2.4 Angallatit motorillit aallarsinnaasut kisimik puttasunut pitunneqarsinnaapput.

§3 Puttasut qanoq ator neqassappat

3.1 Angallannermut pituttuiner mullu puttasumik atuineq, ajutoortoqassagaluarpat pisoqassagaluar-palluunniit nammineq akisussaaffigalugu pissaaq.

3.2 Angallat puttasumiitilluni arlaatigut sukkulluunniit akornuser neqarsimassagaluarpat kommuni taarsiisussanngortinneqarsinnaanngilaq.

3.3 Puttasumi atuisut allat isumannaatumik pisullutik angalasarsinnaanerat eqqarsaatigalugu, allanik puttasumik puttasulluunniit majuartarfiinik quatsertitsisinnaasunik suliaqartoqaaqqusaanngi-laq, tassa imaappoq, puttasumi puttasulluunniit majuartarfiani aalisakkanik tisasooqaaqqusaanngilaq pisanilluunniit pilattoqaaqqusaanani.

3.4 Puttasup majuartarfia tamatigut aqqutissaatinneqartassaaq.

3.5 Puttasuni puttasulluunniit majuartarfiani atortunik uninngatitsisoqassanngilaq atortuuteqartoqaraniluunniit.

§4 Qanoq tikittoqartassava pituttortoqarlunilu

4.1 Puttasut eqqaanni immap naammattumik itissuseqarsinnaanissaanut neriorsuisoqarsinnaanngilaq. Immap tininnerpaaffiani puttasup ilaa immap naqqani tungasinnaavoq.

4.2 Puttasumi ikkunneqarsinnaasutut tulluarsagaasut kisimik pituttorneqarsinnaapput, pituttuinerlu pissalluni pitussimasut allat pituussaarsinnaanngorlugit.

4.3 Atuisunut allanut akornutaasumik avalattaammik imaluunniit pituuttamik takisuumik atuilluni pituttuisoqaaqqusaanngilaq.

4.4 Kalunnerit/wire-rit parnaarsaatilluunniit atorlugit puttasumut pituttortoqaaqqusaanngilaq.

4.5 Angallatit puttasunut pitunneqartut sinaakkuteqassapput.

4.6 Angallat puttasumiitillugu sinaani atortunik atortorissaarutinilluunniit nuugissunik ipittunilluunniit anillangasoqassanngilaq.

4.7 Angallammik piginnittut allat angallamminnik angalasinnaanerat ataqqissavaat.

§5 Qanoq innikkut puttasog imaaniitinneqartarpa

- 5.1 Puttasut piffissami sikuunnginnerani imaaniitinneqartarput, piffissamik qularnaatumik tunniussisoqarsinnaangilaq, sila iluarsartuussinissarlunniit apeqqutaassammata.
- 5.2 Ukiuunerani imaluunniit sapaatip akunneranik ataatsimik sioqqutsilluni nalunaaruteqarnikkut puttasut nunamut qaqqinneqartarput.
- 5.3 Puttasut peerneqannginnerini angallatit peerneqarsimangitsut, angallammik piginnittup akisussaaffigisaanik nunamut pituttorneqassapput.
- 5.4 Puttasut ilai ukioq naallugu imaaniitinneqarsinnaapput.

§6 Puttasut ukioq naallugu immamiittartut

- 6.1 Puttasut ukiuutillugu immamiittut qulaani malittarisassat allaaserineqartut saniatigut angallatinik akulikitsumik aallartartunit taamaallaat pituffigineqarsinnaapput.
- 6.2 Angallatit qaammatip ataatsip iluani aallarsimangitsut isumagineqarsimangitsullu allagartaliinerup kingorna isumagineqanngitsut piginnittup akisussaaffigisaanik akiligassaanillu kommunimit taarsiisussaataangitsumik nunamut qaqqitsinneqarsinnaapput.

§7 Saaffiginnissutit

Kommunip puttasui pillugit saaffiginnissutit uunga saaffiginnissutigineqassapput, Qeqqata Kommunia, Box 1014, 3911 Sisimiut, e-mail: qeqqata@qeqqata.gl imaluunniit oqarasuaat 702100 allakkasuartaalluunniit 702177.

§8 Atuutitsineq

- 8.1 Atortorissarutit atortulluunniit puttasumi ilineqarsimasut taarsiisussaataangitsumik ilisimatitseqqaaraniluunniit peerneqassapput.
- 8.2 Malittarisassiamut uunga naapertuutinningsumik angallatit puttasunut pitussimasut ilisimatitseqqaarani peerneqassapput.


§9 Atuutilerfia

Kommunalbestyrelsip akuersissutigererpagu ullut 30-it ingerlaneranni malittarisassiat atuutilersinneqassapput.

2022-mi aprilip 28-ni Qeqqata Kommunalbestyrelsianit akuersissutigineqarpoq.



Malik Berthelsen
Borgmesteri



Juliane H. Heilmann
Kommunimi pisortaaneq

Eqqagassanik eqqaanermut tunngatillugu pisortat katersuisarnermut aqqiissutaat innersuussutigineqarput kommunillu eqqagassalerinnermut maleruaqqusai malinneqaqqullugit. Uuliakunut eqqagassanullu ulorianartunut soorlu batterikunut malittarisassat immikkut ittut atuupput. Kommunip eqqaasarnermut malittarisassai, kommunip allaffianut saaffiginninnikkut imaluunniit kommunip nittartagaani www.qeqqata.gl – imi pissarsiarineqarsinnaavoq.